

夢梨雪館詩鈔

卷七

溫州府 函 館

夢黎雲館詩鈔卷七

宜黃符光綸雪樵



○端午

二十七端午年年不在家今朝故鄉酒滿眼石榴花轉
歎一官拙空添雙鬢華老妻解此意勸灌舊園瓜

○選過韓山人莊

官拙艱歸計田園無可蕪野人相問訊山路不崎嶇橋
袖垂檐向雞豚隔隴呼思為耦耕伴臨去幾踟躕

○早秋雨中

○

秋到貧家早檐前多雨聲殘苔半階澁老屋一燈明姑
婦勤猶昔兒孫學未成無端動塵念飛夢出江城

選
閒况

自信無妨嬾何曾便是歸課兒溫舊卷許婦換新衣巷
僻鄰家少門閒過客稀可能惜隱計心事不終違

選
秋日閒居時兒輩讀書滋桂園輒便過之

苔色閒門靜秋天昨夜涼開簾見新月高枕憶滄浪衆
鳥各相命扁舟意不忘升沈應已定招隱負東牆

開徑望三益多師是爾師得閒多事外須惜少年時源

水看花入歸山獨鳥遲倒衣還命駕昨與故人期

友人
勲授徒
於此

節淡隱紅葉深柳讀書堂曲徑通幽處清心聞妙香自

憐無舊業養拙更何鄉本以高難飽蟬聲送夕陽

業在有山處艱難安可辭熟精文選理誦得老夫詩過

雨看松色秋風生桂枝平生自有分書味夜燈知

納納乾坤大虞翻骨相屯祇緣五斗米有愧百年身計

拙無衣食詩成泣鬼神非無江海志嗜酒見天真

世上謾相識乘閒多獨行江山如有待心跡喜雙清中

歲頗好道幽居不用名請迴俗士駕因見古人情

選 秋夜與檀敷飲

的的秋宵永悠悠壯歲過溪山浩風露樓閣澹星河一
盞故人酒半生勞者歌居然成老大回首意如何

選 題草堂壁

身聞重把卷客到輒傾觴自信貧非病人憐老更狂蒼
山枕寒水疎樹轉斜陽塵外存遺構三間舊草堂

選 晚秋

既嘆生遙夜浩然天地秋相看海上月獨坐山中樓雁

響墮空澗雲間忘去留婆娑幾株樹老態與人侔

選 溪頭看紅葉作

生意何曾盡前溪幾樹明雁邊留夕照鴉外送寒聲不
酒衰顏借於詩老氣橫莫愁歸路黑漁火晚來生

選 夜酌言別

久住難為計殘年復此行關山遲馬足風雨雜雞聲看
鬢無端老寒天不肯明今宵案頭酒珍重有餘清

選 冒雨曉行

行旅侵晨發微茫曉徑分山寒一夜雨樹壓半溪雲

莽平疇接寥寥過雁聞淒涼僮僕面對爾欲何云

○選 旅夜聽雨却寄

已慣傷離別何能辭苦辛可知聽雨夜同是不眠人破
屋寒先動孤燈夢又新虛無僭隱計贏得滿衣塵

○選 雨次杉陽關

踏碎凍途雨行人又度關胸中故鄉酒眼底別州山破
澗泉聲走撐空樹影聞憑高轉惆悵雲氣鬱諸蠻

○選 野寺題壁

落葉秋滿地斜陽人到門樓荒羣鳥聚鐘臥百蟲喧種

樹先僧老對花忘佛尊依然塵拂面去去欲何言

○選 黃葉

夕照收不盡淡烟疎靄間孤村寒犬吠破刹病僧閒帶
雨下荒戍因風離故關婆娑減生意猶是望春還

○選 登熙春山佛閣

閒行得古寺登覽氣蒼然樹點千家小山包一郡圓雪
晴看旅鬢寒色在人烟半日僧寮坐鐘魚結靜緣

○選 去邵武

杉關闕下水分作兩邊流更別樵陽去聞乘一葉舟回

頭看故國多病怯登樓何處雁聲落蕭蕭增旅愁

選舟夜聞鐘

蘭若知何處寒鐘入夜多江空浩風露山峭逼星河塵
路幾時盡扁舟將月過却思點燈夜僧語共藤蘿

選聞笛

野水烟寒早孤舟月到遲可憐殘醉夜多是不眠時楊
柳今搖落關山古別離何人裂斑竹飄泊有餘悲

選

舟次順昌書感

友人何蘭圃前宰此邑
以于役歿於山左

一夜清溪宿霜柯改舊林寒聲山澗出曉氣水樓陰今

我尚飄泊舊歡何處尋越臺携酒處留憾與登臨去歲與別

於福

選

嚴寒

對酒亦無伴嚴寒生暮天水消江路曲風定市燈圓冷
到魚龍氣閒餘鷗鷺緣只除師辟穀并嬾學神仙

選

獨酌

青天明月夜獨酌遠含情山峭高寒氣江沈浩蕩聲星
霜孤劍在烟水一舟橫好是忘機慣沙鷗近不驚

選

重登明翠閣

涼風生劍州回首帳前遊萬嶺樹黃葉一庵僧白頭來
尋山半寺重繫岸邊舟辛苦喚塵夢鐘聲寒未休

阻風曉望

夜水風不定曉山寒更陰冥冥看去鳥瑟瑟對空林老
矣鏡中髮淒其絃上音即今越臺畔酒客已難尋

稽首晚次水口

亂山拱斜照積水生寒烟空濶望千里蹉跎終一年南
冠悲旅食東道苦塵緣今夜困關月照人清不眠

舟發水口

二百里山水扁舟入鏡中嶠雲寒更白關樹晚能紅攬
勝無今古遭時有異同翩然思濯足悵望大瀛東

南臺雨望

獨酌不成醉寒光生佩刀登臺攬橫海終古鬱奔濤黯
黯歌樓換蕭蕭戰艦高尋思塵世事天地一何勞

春寒却憶

轉覺春寒峭相思益渺然梨花山館雪榕葉水樓烟最
易傷今日無端憶少年舊詩零落久重拂行波箋

遊六一泉

前溪昨夜雨洗出山蒼然我逐溪雲去閒尋鷗鷺緣衆
生無垢地一醉有情天更約螺江月烟波上釣船

○題六一泉水榭

城東得勝處荷芰水亭開片雪鷺絲下好風胡蝶來池
涼初却扇山翠遠銜杯醉聽田田唱繞欄遲未回

○夏日寓館坐雨

一雨洗炎暑并將塵累刪鳥聲孤館靜苔意半庭閒兀
兀縱孤酌悠悠思故山涼風北窗下旦夕待人還

○選偕同人重集六一泉

涼風一路生閒客此閒行舊話酒邊續新詩泉上成美
蓉秋雨謝楊柳晚烟橫忽有蒼茫感中年絲竹情

○選東孫別駕

風流閒別駕詩興近如何笠屐山情重圖書海氣多青
雲盼鵬鷲赤日抱龜鼉予亦飯牛罷滄浪空浩歌

○選東少翁

已有生還望除非死後閒秋風添白髮舊宅賸青山賦
價金難點名心石竟頑他年雞黍約可得款柴關

○選秋日過小西湖僧舍

庚字初月言在補竹

庚字初月言在補竹

車馬不到處秋光湖上多微涼動風葉古路入烟蘿未
許塵纓濯閨携尊酒過僧樓鐘一杵日暮意如何

○選秋蟬

露飲何曾飽秋吟爾許悲獨含無限恨猶占最高枝驛
路荒烟斷關門落照遲仙成未可料老態已支離

○選秋夕西巖僧舍

鐘盡夜方定巖深寒自生階前老松檜時作雨來聲塵
念一不起詩心都欲平幽潭洗涼月相印只空明

○選城樓晚眺

短堞夕陽明高秋邊角聲海雲紅不定關樹碧無情天
蟄魚龍氣人驚草木兵枕戈劉越石深愧負生平

○選待月樓酌

角嘯秋先警鴈行夜未闌大星臨水動獨樹倚樓寒萬
感聞雞集十年去馬看似酬心炯炯放出爛銀盤

○選閣眺

傑閣臨無地涼風生遠天秋聲聽不盡暮氣鬱蒼然壺
嶠仙人宅兵戈瘴海船不成展方略便擬謝塵緣

○選謝瑄樵吟秋圖

象芳競搖落君子嘆何深山帶筍莊路溪迴楓樹林遙
遙慕高躅耿耿抱秋心竟著蓑衣去烟波何處尋瑄樵更有

北溪漁隱圖

○隱少香文鷗汀漁隱圖

仰天一大笑漁釣息風波書畫為家具滄浪發浩歌白
頭侶鷗鷺赤足狎蛟鼉且就蘆中飯古今窮士多
跋扈詞場客飄零大雅才筑高屠狗市竿擲鉤龍臺別
有千秋在將無萬念灰西江好風月早掉酒船迴
妄言公醉耳半世醒而狂此去即安穩結交餘老蒼涼

風洗蕪菜落日淡漁莊解作一生事引人歸興長

我家門前水泚去過君家春雨綠溪樹秋霜紅岸花尚
遲買蓑笠終擬伴烟霞何必松陵集祇饒皮陸誇

○隱少香文齋中看菊花

過此便蕭索再開無好花生涯尋酒路風味在詩家簾
捲秋涼入階間夕照斜似酬珍重意晚節傲霜華

○隱倦枕

倦枕全無睡寒燈半不明一年行向盡萬感若為平瘴
海干戈氣荒山雨雪聲可憐三十口兒女亦人情

望寄友人

雲斷蠻山路風生瘴海波故人寒至此君子意如何
雕凌秋健關河落木多翟公舊門巷早嘆雀堪羅

初冬雨夜不寐

一雨暗深更孤燈綴短檠荒雞寒欲噤天馬老能行
雪閃牙旗影風馳羽檄聲牀頭一壺酒澆得劍鋒平
都護新開幕諸番風控弦聞風享牛酒計日勒燕然瓜
苦應培地棠甘總戴天身微難許國輟側未成眠

望林少穆宮保挽辭

一死足千古百年能幾人論功同裹革抗疏孰批鱗

言事戎西域

大事安危繫窮荒涕泪頻終知

主恩厚盤錯念孤臣

邊徼烽烟急關津霧露寒不圖全首領到底奉心肝
專閩將誰寄蒼生且未安蕭蕭朔風厲大樹漫摧殘
下歷官十四省民望總能孚縱使蛾眉妒終難惹汶
誣冰天迴節鉞瘴海隱方壺誰識籌帷幄恂恂氣自
儒門巷陳平隘車頻長者來

公得少香文所
上詩即日造訪

時艱誰養士

身退尚憐才八寨風雲變三山草木哀送公纔幾日月
冷浦南臺

擬古

被命出龍樓烽烟幾十州河山藏帶礪弓冶望箕裘可
係蒼生望應寬聖主憂生無猿臂健猶幸不封侯

晚泊竹崎所

斜陽下江樹一擢艤前汀山帶蠻烟濶潮迴海雨腥魚
鹽商稅集絃管妓舟停却笑聞鷗鷺飛來酒畔醒

濕舟夜聽雨

雨來打篷背酒醒夜添寒時有不眠雁流聲過遠灘稻
梁都失計霜雪敢求安明發登臚望天空羨羽翰

阻風遺懷

亂雲低野水寒日下平蕪自信生涯拙誰憐病骨孤時
艱尚流涕吾道匪全軀况是經磨折風波亦坦途

舟雨寒甚

雨氣浩如海象山時有無藏身如雁鷺極目盡菰蒲千
里望猶遠一舟寒更孤温言慰僮僕此去是歸途

孤舟

一笛落江樓歸心古渡頭
寥天來片月獨夜伴孤舟
燈火深閨夢壺觴倦客愁
關山有霜雪容易白人頭

○選 野寺探梅却憶西溪韓野人

野步興不盡忽來何寺鐘
斜陽明遠水寒色在諸峰
言有梅花發因之老衲逢
却思西澗夜乘月聽村春

○選 側身

草木嚴霜勁關河斷雁飛
萬灘爭去路片月戀寒衣
幕府交馳檄

天兵未解圍側身漫西向
倦客且圖歸

○選 晚泊

新月忽照水暮江寒更深
歸來滄海客坐對寒楓林
亦欲撫瑤軫平生多苦心
千秋渺牙曠何處求知音

○選 延平道中

獨酌每易醒扁舟寒自生
怪禽啼日落飢虎矚人行
霜樹不一色風灘無盡聲
未應久沈沒劍氣尚難平

○選 南平署中與素濤話別

所值有萬感一尊相對休
別來須髮改坐閱海山秋
瘴癘芙蓉國烟波葭葦舟
孤君持贈意冷笑看吳鉤

晚泊江村即目書興

雞犬幾家住斜陽紅到門樹寒爭宿鳥山暝嘯孤猿來
榜溪頭石却思原上村牧人驅犢返一笛破黃昏

○選重抵邵武馬鑑堂同年招集同人置酒詩話樓

九曲樵川水千秋詩話樓我來攬明月曾此繫扁舟故
舊餘青眼風波欲白頭酒闌人又去落日滿沙洲

○選宿黃源

路長行不盡客子若為心初雪不到地寒風長在林聞
鐘尋野寺落葉帶歸禽歲稔村醪賤壺觴且獨斟

過西溪韓山人

過橋益清曠循路轉平臯溪水深能淡山雲懶不高梅
魂返冰雪松響作波濤來趁消寒會珍珠酒滴槽

○選立春次日往南昌

昨夜林園霽梅花雪不消寒香上行李新月在江橋竟
挂孤帆去回看一水遙春愁禁不得何處玉人簫

過撫州書感

昔日此携槩閉門唯讀書江湖殊造次勲業定何如幾
樹老風外一城寒雨餘香枿有殘雪照徹講堂虛

選元宵值雨

悵悵此佳節不應無月看况兼今夕酒仍在客邊寒燈
火故城暮笙歌鄰院歡無窮塵世事拍徧舊闌干

選孺子亭

海內聲華競先生乃獨醒南州餘一榻東漢峙孤亭橋
雨橫烟白湖波帶草青東風近蘇圃吹蒲菜花馨

雨宿厓下

一宿古厓下尋聞知未能山風搖寺磬溪雨定船燈鷗
嬾睡方熟後寒呼不應扁舟待明發後約寄孤藤

選重抵水口

此水流不盡扁舟仍向東悠悠江樹綠隱隱驛樓紅身
世蒼涼甚道途奔走窮聊將匣中劍洗向蛟龍宮

選偶憶舊遊

烟雨樓頭望文禽作對飛有情如此水為我浣征衣落

日放船好斜風送客歸記從花裏泊釣得錦鱗肥鴛鴦湖

鏡展一湖水美人湖上居別來斷消息夢去果何如楊湖

柳輕輕盈處芙蓉爛漫餘當時已惆悵往事倍欵欵大明湖

湖光七百里吸盡一杯中心羨神仙逸眼隨雲水空携

琴訪明月揚席借天風何處湘靈瑟茫茫恨未窮

岳陽樓

七十二峰秋尋秋一上樓騷人何處去湘水到今流氣

覺荃蘅古身如雁鷺浮的知愧漁父安穩有扁舟

望湘樓

驟雨渡烏龍江小憩江店飲酒作

奔走豈長策蒼涼餘此杯萬山入雲去一雨趁潮來魚

鼈洶洶勢松杉鬱鬱材眼前天蕭瑟盡醉不須猜

于役福清入東莊村

一徑沿溪入溪風涼在衣水花自憐影沙鳥各忘機地

僻烟霞古年豐筍蕨肥前時諸父老相見總依依

涼棚

炙手本無勢疎風來處多却殊引瓜蔓那得換烟蘿汗

血况驅馬炎方猶枕戈及時甲兵洗高捲望天河

夜飲

綠瀉燈邊酒紅消扇底塵乾坤容我輩經濟屬何人屋

小蝸堪寄泥深蠖嬾伸夜闌有向事門外急蹄輪

擬古

舊紀勲臣績新行大將權九關威虎豹七葉寵貂蟬木

石難填海蝸蠖總戴天深宮切宵旰莫使捷書延

庚子晚起一首在補仍

漫興

吹笛高樓夜低徊酒一巡關山動涼月滄海涵征塵諸
將豈無感依人徒有身如何匣中劍埋沒尚精神
白髮悲生事蒼生負寓公艱危存老馬歌泣付秋蟲古
嘆才難用今知道不同多時輸燕雀宮殿有高風
壯志消磨甚生涯戀一官溪山回首易蓑笠稱身難何
事不難助百年仍鼠肝統如打鞞鼓聽徹五更寒
南郭誰嫌濫東方自忍飢不勞真宰訴翻愧衆人知碧
漢招黃鶴蒼波跨赤螭大千足遊戲局促爾奚為

漫興
下